



Universitätsbibliothek Paderborn

Reverendissimi Ac Illustrissimi D.D. Antonii Godeau Episcopi Venciensis Viri Celeberrimi Theologia Moralis

Ex Purissimis Sacræ Scripturæ, Patrum Ac Conciliorum Fontibus Derivata,
Notis Theologicis Illustrata, Duasque In Partes Divisa

Complectens Tractatus I. De quarto, quinto, & sexto decalogi Præcepto II.
De septimo decalogi Præcepto. III. De octavo decalogi Præcepto. IV. De
Ecclesiæ Præceptis. V. De Sacramentis in genere & quibusdam in specie.
VI. De Pœnitentia. VII. De Matrimonio

Godeau, Antoine

Augustae Vindelicorum, 1774

Caput VI. Ejusdem argumenti continuatio.

[urn:nbn:de:hbz:466:1-53587](#)

C A P U T VI.

Eiusdem argumenti continuatio.

Neque satis est, si Rex Deum veluti dominum ac protectorem colat; curare insuper debet, ut a suis populis ubique adoretur Deus & colatur. Id imprimis negotii datum putet, ut veram servet Religionem, ut Ecclesiam ab hominibus tueatur, ut ejus dignitatem defendat, ejusque ministros protegat. Ideo Reges Deus instituit; Ecclesia siquidem est regnum, cui Reges terræ servire debent: *Et erunt reges (inquit Isaías cap. 49.) nutriti tui.* Porro spirituale est hoc regnum, quod spiritualibus armis tueretur; quæ quidem sola arma ad illud tuendum contra diaboli conatus non sufficiunt, qui & hæresibus & hominum iniquitare ejus perniciem molitur. Oportet ut vis vi repellatur, & coercentur iniqui temporalis pœnæ metu, quam præ suppliciis, quæ Deus minatur, formidant. Hoc Regum est officium.

Princeps, ait sanctus Paulus, *Dei minister pro vindicta in iram (Rom. 13.).* Præcipua, quam sacræ Litteræ Regibus Israel tribuunt, hæus est Religionem sartam testam servasse. Hoc nomine laudatur David, Salomon, Josias, Ezechias. Post Christum natum Constantinus, Theodosius, Gratianus, Marcianus, Carolus magnus, sanctus Ludovicus illustres magis sunt pro cura, qua Ecclesiam sunt tutati, quam viatorii, quibus imperii hostes prostraverunt. In Honorii & Arcadii Edicto, quo inter Catholicos

licos & Donatistas collationem fieri permiserunt, sic loquuntur Augusti : *Inter Imperii nostri maximas curas, Catholicæ Legis reverentia aut prima semper, aut sola est. Neque enim aliud aut belli laboribus agimus, aut pacis concilii ordinamus, nisi ut verum Dei cultum orbis nostri plebs dilecta custodiat.* Ad Valentianum Sanctus Ambrosius ita scribit : *Cum omnes homines, qui in ditione Romana sunt, vobis Imperatoribus terrarum militent, tum ipsi vos omnes potenti Deo & sacræ fidei militatis.* Sanctus Augustinus inquit : *Pertinet ad Principes christianos, ut temporibus suis pacatam velint habere matrem Ecclesiam* (Epist. 50.). Egregie ait sanctus Leo Papa : *In hoc serviunt Domino Reges, cum ea faciunt ad serviendum illi, que non possunt facere nisi Reges.* Quis mente sobrius Regibus dicat : *Nolite curare in regno vestro, quis velit religiosus esse vel sacrilegus? quibus dici non potest; non ad vos pertinet in regno vestro quis velit pudicus esse, quis impudicus.* Idem ad Theodosium II. Imperatorem scribit : *Ut vobis non solum regium, sed etiam sacerdotalem animum inesse gaudemus.* Ad Pulcheriam vero ejusdem Imperatoris sororem scribens, post aetas Deo de fidei suæ vigore gratias, subdit : *Quia Principibus temporis nostri non solum potentiam regiam, sed etiam sacerdotalem cognoscimus inesse doctrinam.* En optima Principibus illis instructio, qui a Machiavello regnandi præcepta hauriunt, humanæque Politicæ artem seellant sacram Evangelii doctrinam contemnunt.

Nec

Nec plene officio suo Reges satisfaciunt, si veram Religionem tantum tueantur; eurent etiam oportet, ne in suis regnis blasphemis aut imperiatis Deus laedatur. Id plerique nostri Reges praestiterunt severis Edictis editis adversus blasphemos: idque novissime praestitit Ludovicus XIV. antiquas renovans leges, novasque blasphemis penas infligens.

Pium Regis exemplum majus praे legibus robur habet. Caveat igitur ne quid umquam contra Religionem loquatur; mores imo suos ad illius normam componat, ut hinc aulici & populus pietatis regulas sumant. Probis exemplis preces etiam addat, quibus Deum pro populo suo quotidie exoret: a Deo enim lumen accipiet, quo ad regnum bene moderandum indiget. Porro eo majori lumine indiget, quo difficilior est regni moderatio, & quo gravioribus quotidianis temptationibus patet, & peccandi illecebris. Juxta præcipitum semper ambulat, cumque simul homo & princeps sit, in quodlibet peccati genus labi potest: peccandi occasionses præsto sunt ubique, nec quæstæ ultro occurrunt; ideoque peculiari Dei eget auxilio quod flagitare iugiter debet. Non tamen ajo longum a Principe orationi tempus esse tribuendum; sed quotidie saltem humiliter Deum adoret, & ab eo opem enixe petat. Regnum David, difficilemque populum regebat; attamen Deum orans ita loquitur: *Septies in die laudem dixi tibi* (Psalms. 118.). Galliæ regnum sanctus Ludovicus moderabatur, & aduersus Infideles bella gere-

gerebat; inter tot tamen negotia Horas canonicas quotidie recitabat, Missæque solemnis, & Vesperis intererat. Non satis est Principi, ut veram fidem teneat, debet insuper culpa vacare, & a scandalis præcipue abstinere; pravum enim Principis exemplum aulicos & subditos facilissime inficit. Si virtutibus Princeps fulgeat, animos etiam a virtute alienos ad illam trahit; si vero vitiis sit obnoxius, veluti lex publica est ejus exemplum, quod quasi lues totum regnum corripit, ipse vero criminum est reus, quorum est causa, & formidandum a Deo judicium, quo cum suis subditis judicabitur, sibi parat.

Hæc sunt Regum erga populos officia, pacem servare, justitiam colere, quæ sua cuique tribuat. Ad Reges terræ sic loquitur Sapientia: *Audite ergo Reges, & intelligite: discite iudices finium terræ: præbete aures vos, qui continentis multitudines, & placetis vobis in turbis nationum, quoniam data est a Domino potestas vobis, & virtus ab Altissimo, qui interrogabit opera vestra, & cogitationes scrutabitur, quoniam cum essetis ministri regni illius, non rebus judicasti, nec custodisti legem justitiae; neque secundum voluntatem Dei ambulasti (cap. 6.).* Totum hoc caput eximiam Principum institutionem continet, & utinam in eorum cordibus maneret alte depositum.

Non omnes per semetipos judicare possunt; ideo fidelibus Judicibus indigent, qui subditorum dissidia componant. Verum attente hos iudices elegant; adversum quos si lamenta audiant, eorum

canoni-
nni, &
cipi, ut
vacare,
m enim
facillime
animos
si vero
est ejus
am cor-
quorum
ium, a
parat.
ia, pa-
cuique
pientia:
ite Ju-
qui con-
turbis
potestas
rogabit
, quo-
on rea-
neque
. 6.).
firatio-
ordibus
offunt;
ubditos
hos ju-
diant,
eorum

erum concussions & injusticias severe puniant, ne ipsi a Deo damnentur. Postquam Iosaphat judices in civitatibus Judæ posuit, sic illos est allocutus: *Videte quid faciatis, non enim homines exercetis iudicium, sed Domini, Et quodcumque judicaveritis, in vos redundabit. Sit timor Domini vobiscum, Et cum diligentia cuncta facite. Non est enim apud Dominum Deum nostrum iniquitas, nec personarum acceptio, nec cupidio munerum (2. Paral. 19.).* Regnante secunda Regum Gallorum stirpe, Visitatores in annos singulos regnum peragabant, qui aut Episcopi, aut Palatii Comites erant, ut contra Judices populorum querelas audirent; ex quorum relatione iniqui Judices puniebantur.

Nec soli Judices populos opprimunt; sed & pagorum & oppidorum Domini; quorum licentiam auctoritate sua debent Reges coerce-re; quod praestare inferiores Judices nequeunt.

Quoad tributa, a bonis Regibus moderate haec exiguntur. Vastum hoc est, & periculoso argumentum: hoc tantum dicam, Reges esse Pastores, & posse quidem oves tondere, sed non esse ipsas decorticandas; quod si absque necessitate nova & intolerabilia exigant, juxta Evangelii dogmata, salvi esse nequeunt, nisi restituant.



CAPUT